2627

VERIΓABLE 3425

DE CE QVI S'EST PASSE

AV LOVVRE

DEPVIS LE VINGT-

QVATRIESME AVRIL. iusques au depart de la Royne Meredu Roy.



Auec les Haranoues fai Etes au Roy, & les Refponces de sa Maiesté, & l'Adien du Roy on de la Royne (a Mere.



A PARIS.

Chez ABRAHAM SAVGRAIN ruë S. Iacques au dessus de Sainct Benoist, 1617.

to be the west

(ase 5 39 1326 16/72 THE NEWBERRY



E Roy pour le bien de seaffaires, & pour tesmoigner sa bone Iustice enuers ses subiects, ayant sait arrester le Mareschal d'Ancre, & sa femme, & Barbin, sur les causes destrou-

bles de son Royaume, rapelle incontinent son Conseil pres de sa personne, & iugeant de qu'elle perilleuse consequence estoit de voir dans son Chasteau du Louure d'autres armes que les siennes, sit des-armer les gardes de la Royne sa Mere, & la sit supplier de demeurer chez elle.

La Mareschalle d'Ancre arrestee apres la mort de son mary, est conduitte en la chambre ou Monsieur le Prince auoit este retenu, & gardée par quelques Archers de la garde du corps, & pendant ce temps, le sieur de Maupeou & Arnault Intendant des Finances, furent commis pour faire inventaire de ses bagues, hardes & papiers, & entres autres pretieuses reliques, ils ont trouvé dans son cabinet quantité de liures de magie, du parchemin Vierge, & grand nombre de Caracteres. Cela a esté caute qu'apres auoir esté interrogee par les sieurs Aubry & Castille, Maistres des Requestes de l'Hostel du Roy, elle a esté trasportee en la Bastille, & rasee, & aussi tost commission expediee au Parlement pour luy faire & parfaire son procés.

Barbin qui s'estoit caché dans les Escuries de la Royne Mere, ayat esté pris est ramené chez luy & gardé 2. iours par les Archers du corps, pendant lesquels lesdits Commissaires firent inuentaire & description de ses papiers, ou le secret de toute la tragedie qui se deuoit jouer a esté descouvert auec autres chose qui touchent! Estat & les Finances, dont son Commis & Agent auoit donné aduis: Et apres que ledic Barbin a esté interrogé a esté mené au Fort l'Euesque ou il a esté deux iours seulement, & depuis conduit à la Bastille iusques à ce que son procés soit prest d'estre jugé par la Cour de Parlement suivant la commission qui en a esté donée en vertu de laquelle on informe contre luy.

Quant a la Royne mere du Roy estant ar. restee dans sa chambre sa Majesté, luy sit incotinent sçauoir, qu'elle estoit desormais resortue, de sçauoir ses affaires & prendre cognoissance de ce qui se passe en son Estat, desiroit qu'elle ne s'en messast plus & qu'elle luy en laistast le soing. Qu'elle la prioit de trouuer bon dese retirer, qu'elle donneroit ordre à son partement, & au surplus qu'elle s'asseurant que sa Maieste l'honoreroit tousiours come sa mere: cela sur executé, & alors la Royne demeura dans sa chambre, & ceux qui auoient charge de sa conduitte y trauaille-

rent incessamment.

Et comme la Royne desira veoir le Roy auant partir, quelques jours se passerent en quelques allees & revenues pour chercher moye honneste & seur en ceste entreveue, car la Royne auoit desir de sçauoir le subiect de ce changement inopiné, & de representer au Roy qu'en sa conduitte elle n'auoit eu autre dessein que son service, & par la l'obliger à vne continuation.

Le Conseil d'autre part, bien que sa Maiesté eust pris vne resolution inesbranlable & s'y fust fortifiee par le hazard qu'elle auoit couru, & qu'elle n'apprehendast nullement les parolles, ny les gestes de sa mere, toutefois les charmes de la nature sont tels, qu'il est presque impossible aux hommes d'y resister, a plus forte raison a ceux qui n'ont encoratteint cette force entiere, aussi que tous les ordres de l'Estat en general, & chaeun en particulier ne desiroit plus viure sous la loy d'vne femme, dontaussi tous les jours y auoit plainte à sa Majesté.

Cela fut cause qu'il fut arresté que sa Majesté verroit ladite Dame en presence de Messieurs de son Conseil. Que la dite Dame ne diroit que les parolles dont on demeura d'accord, & qui luy seroient baillees par escript, & le Roy aussi ne luy repartiroit que ce qui auroit esté concerté afin de contenir vn chacun en respect, ce pendant fut resolu que les Princesses & quelques Dames de la Cour pourroient veoir ladite Dame Royne, ce qui a esté

executé.

Le Roy donc assigne le depart de la Royne

sa mere au troissesme iour de May, & desseigne a ce mesme iour le sien & de la Royne sa femme pour le bois de Vincennes, & ce bruit estant commun & cogneu de tout Paris, sa Maiesté su visitée de toutes les compagnies souueraines, & de tous les ordres de ladite ville, & assistee de Monseigneur le Duc de Longueuille & de grande quantité de Seigneurs & gentils-hommes, reçeut les harangue qui luy surent saictes.

Le Parlement deputa Messieurs de Verdun premier Presidet, Dosembray, & l'Escalopier, Presidets au Mortier, Courtin, Pelletier & autres Conseillers, & estans arriuez au Louure dans la Chambre du Conseil ou sa Maiesté estoit seante auec tous Messieurs dudict Con-

feil.

Ledit Premier President portant la parolle pour la compagnie loua sa Maiesté à merueilles sut son courage, sur sa prudence, & sur sa bonne iustice, detesta iusques à l'extremité la memoire du Marquis d'Ancre, les actions de sa semme, & leur mauuais dessein & conduitte.

Remonstre que la Royne mere de sa Maiesté, de son naturel, bonne & fort affectionnee au bien du Roy & de l'Estat auoit esté abusée par des arts magiques & incognus: que la simplicité du sexe auoit esté surprise & tropre par la subtinité de ces ames detestables. Que cela estoit excusable a une semme, autant qu'ils seroit punissable en un homme: Et que c'estoit chose grandement pitoyable d'auoir veu ceste Princesse si possedee par des personnes de rien: Que le coup de la mort dudit Marquis est de tant plus louable qu'il estoit necessaire: & que sa Maiesté auoit acquis vne gloire immortelle de s'estre faict recongnoistre pour Roy & maistre? Que la Cour l'auoit chargé d'asseurer sa Majesté du seruice tres-humble de chacun en particulier & de leur fidelité, qu'ayant aprisson depart ils s'estoient rendus pres d'elle pour y recepuoir l'honneur de ses commendemens, & sçauoir ce qu'ils doibuent faire pendat son absence. Lors il s'approche & parle tout bas de quelques affaires, on estime quec'est sur la declaration des Princes, & sur le procés dudit Mareschal, de sa femme, & de Barbin.

Sadite Majesté, ayant ouy ceste harangue, repartit que bien qu'il ne soit obligéde rendre aucun compte de ses actions a ses subiets, toutes sois elle desire de les esclarcir de ce qui c'est passéaux derniers iours, & leur ordonne de la faire scauoir a son Parlement. Il y a longtemps (dit sa Maiesté) que ieme suis apperceu du desordre auquell'insolence, du Marquis d'Ancre, auoit plongé mon estat par son ambition démesuree, & des oppressions que mon peuple à sousser, & du dessein qu'il auoit d'exterminer les Princes & entreprendre sur ma personne & de mon frere d'Orleans. Ie l'auois tousiours dissimulé & i'estimois que ma patience (auec ce que par sois ie m'en suis,

plaint à la Royne ma mere)les pourroient diuertir & le contenir dans les bornes de son debuoir: Nonobstantcela. & contre ma foy apres la paix de Loudun, il fit imprisonner mon cousin, le Prince, de Condé, chassa les autres Princes, me violenta d'aller en mon Parlement , pour les declarer criminels ; la Royne mamere m'y forca: ie portay cela auec impatience & le luy tesmoignay, mais le Marquis, ne laitsa pour cela de continuer ses premieres actions, diesse vne armee contre mon coulin de l'ongueuille, qui faisoit mon service à Peronne, empeschant par sa presence que les Estrangers que ledit Marquis auoit, n'entrassent en possession de cette place, alla en Normandie, saisit les meilleures places de cette Province. y mit garnisons a mon desceu de ges de sa faction la pluspart estrangers, fortifia Quillebeuf contre ma volonté & les Arrests de mon Parlement de Rouen, gourmanda la noblesse & tous les Officiers, fit dresser des armees pour opprimer les Princes l'vne contre mon cousin le Duc de Neuers. l'autre contre mon frere de Vendosme & mon cousin de Mayenne, sur la vie duquel il fit entreprendre, armal'estranger & fit entrer dans mon Royaumes trois mil ciuq cens Oquallonsou Liegeois pour la seureté de sa personne, qu'ilsoudo yoit a mes despens & de mon peuple, tranchoit du souverain partout & se faisoit suiure & accompaigner mieux que moy, ayant ofé prendre les Suisses de ma garde & les habiller de ses liurees pour le garder. Il a vollémes Finances & a baillémes Fermes a qui bon luy à semblé pour tel prix qu'il 2 voulu, s'est fait engager les tailles de la Normandie & de mes deniers payoit ses Pensionnaires qu'il tenoit pres de luy: depuis la mort du feu Roymon Pere, a tiré de mon espargne douze ou quinze millions de liures & lors de sa mort, on a trouvé dans les pochettes de ses chausses pour dix-neuf cens septente trois mil liures de promesses de Fedeau, Camus & autres ses confidens. l'auois encor dissimulé tout cela & plusieurs autres choses qui sont troplonguesa vous dire, comme l'expulsion de mes anciens Officiers qui auoient seruy le feu Roy, pour mettre en leur place de ses creatures & ay eupeine de contrefaire l'enfant iusques a ce qu'ayant esté aduerty & asseuré qu'il auoit dessein sur ma personne, & auoit fait vn roolle de soixante ou quatrevingts de mes principaux serviteurs & Officiers qu'il vouloit faire assassiner, lequel i'ay en ma possession & vn autre de ceux qu'il vouloit chasser de mon Royaume dont y auoit vnepartie de mon Parlement. A lors pour la necessité de mon estat & de ma personne, ie l'ay voulu faire arrester & mettre en vos mains pour en faire iustice: mais son insolenceluy ayant fait oublier son deuoir & mespriser mon commandement, & sans respect ayant voulu dans mon Louure mettre la main a l'espec contre le sieur de Vitry, il a esté tué

dequoyiene suis marri qu'à occasion dece que ne pouniez faire telle iustice que i'eusse desiré, mais ie veux que faciez le Procez au corpsmort& à sa femme, & a Barbin, dont l'vne s'est trouuée saisse de caracteres pour me faire mourir & tenir tousiours ma mere attachee à sa volonté, & l'autre estoit l'autheur detous les mauuais conseils que nous auons veu : sur cela, ie vous ay fait expedier mes com• missions auec la reuocation de la declaration que vous auiez verifice contre les Princes. Ie les ay mandez, & ils n'ont rien fait que pour la necessité de mon service & seureté de leur vie. Vous voyez leur obeissance & leurs affection par leur prompt retour. Allez faire vos charges & vous souvenez que ie suis vostre Roy, ie vous maintiendray toufiours & auray foing de vous, seruez moy bien, ie vous seray bon Roy.

Les Deputez apres ces parolles se retirerent & incontinent entre Monsieur Nicollay premier President en la chambre des Comptes assisté de plusieurs Officiers d'icelle, qui apres auoir salué le Roy luy parla assez bas presque en mesme substance que le dit sieur de Verdun, lors qu'il dit quelque chose sur le desordre qui estoit aux Finances & supplioit sa Majesté d'y pouruoir. Sa Maiesté luy dit qu'elle prenoit a gré le tesmoignage de l'assection de ladite chambre au bien de son service, qu'elle auroit soing de la maintenir, & qu'ils sissent leur debuoir comme ils auoient sait iusques

icy, qu'elle scauoit qu'en ladite chambre yauoit des Officiers qui estoient Pensionnaires
du Marquis, qu'il vouloit oublier le passé: mais
qu'elle desiroit que cy aprés ses Officiers ne
fussent engagez a aucun autre qu'à elle, qu'elle
le leur disoit pour le faire scauoir a leur copaignie, qu'elle donneroit ordre auec son conseil
aux abus qui se sont glissez en ses affaires & y
remedieroit par leurs bons aduis & Conseils,
qu'au surplus de ce qui s'estoit passé surla mort
dudit Marquis d'Ancre, qu'elle auoit fait scauoir sa volonté aux gents de son Parlement.

Comme la chambre des Comptes sortoit, entrala Cour des Aydes, composee de Monsieur Cheuallier premier President, d'autres Presidents Conseillers, & estans prests de sa Maiesté, ledit Sieur Cheuallier parla entelle sorte qu'il sut admiré de toute l'assistance, loua l'action de sa Majesté, sa resolution & fon courage, plaignoit la peine qu'elle auoit eu si long-temps, de dissimuler ses bons mouuemens, louoit Dieu qui l'auoit preserué de tant de perils & de hazards ou le Marquis d'Ancre l'auoit voulu precipiter, qu'on pouuoit bien iuger que luy seul estoit cause du malheur de la France, puisque aussi tost qu'il a esté mort la paix a esté faitte, & que la mort d'un homme seul à donné la vie a cent mil qui fussent mortsen ces mouuements, inuitoit les Princes & Seigneurs, & toute la France en general de prier Dieu pour sa Maiesté, continuer à son seruice & ne s'en departir ia-

Bij

mais: que pour eux en particulier, protestoient de mourir de mille morts, plustost que de

manquer a leur fidelité & seruice.

Ledict sieur President exagera son discours auec de si belles parolles & tant d'authorité qu'il fut admiré, ceste gloire aussi ne luy doit point estre enuyee, puis qu'il est vn des habilles hommes de ce siecle. Sa Maiesté leur tesmoignavn grand contentement & vne affection particuliere audit sieur President Cheuallier, qu'il recongnoist pour n'auoir eu autre but que son seul seruice, & leur commanda de continuer en leurs fidelitez & qu'ils

fiffent leurs charges.

Le Clergéy vintaussi & le Preuost des Marchands en suitte, qui rapporterent pareil contentement à sa Maiesté, que les autres cy dessus. Et parce que l'heure du depart pressoit fort, sadicte Maiestéassistee de Messieurs de Syllery Chancelier de France & de Nauarre, du Vair garde des Sceaux, de Villeroy de Gefures, Ianin, & peu d'autres, alla chez la Royne sa mere pour luy dire. Adieu, vestu d'vn pourpoint blanc la chausse d'escarlatte & la botte, à la iambeil entra donc dans la chambre de ladite Dame, & s'approchant d'elle, luy dit Madame, ie viens icy pour vous dire Adieu, & vous asseurer que i'auray soing de vous comme de ma mere, i'ay desiré de vous soulager, de la peine que vous preniez enmes affaires, il est temps que vous vous reposiez, & que ie m'en mesle, c'est ma resolu-

tion, & dene soussirir plus qu'autre que moy commande en mon Royaume, ie suis Roy a present, i'ay douné ordre à ce qui est necessaire pour vostre voyage, & commandé à la Curee de vous accompagner, vousaurez de mes nouuelles estant arriuee à Blois, Adieu Madame, aymez moy & ie vous seray bonfils.

Elle fit vne grande reuerence, & la larme à l'œil dit que ques parolles sur le soin qu'elle auoit en de sa personne & de ses affaires pédant sa Regence, qu'elle prioit sa Maiesté, de se souuenir de ses peines & trauaux, & qu'elle estoit sa mere, & sur ce que ladicte Dame vouloit continuer fon discours, & demander raison de ce qui s'estoit passé, sa Majesté la baisa & auec vne grande reuerence print congéd'elle & se retira avec sondit conseil.

Remontée que sa Maiesté est en sa chambre; passa en celle de sa femme, & disna auec elle d'vn visagesi contant & si Royal que iamais on ne l'auoit veu en si belle humeur.

La Royne mere ce pendant hastoit son disner, & incontinent monta en carosse auec son train, & sortit du Louure, fort esploree.

Le Roy & la Royne estoient aux fenestres, d'ou leurs Majestez ne bougerent que tout

letrain ne fut forty.

Aussi tost aprés elle monterent en carosse & accompagnez dudit Sieur de Longueuille & de grande quantité de Noblesse, allerent à

14

Vincennes, ou les Princes se rendirent incotinent auec Monsieur le President le Iay, pour tesmoigner leur obeyssance & receuoir, du Roy, toute sorte de contentements.

Ladite Dame Royne mere sortit de Paris fort accompagnee, elle auoit tous ses officiers, & son train ordinaire, la compagnie de ses gardes, & les cheuaux legers du Roy: toutes les Princesses & Dames de la Cour, & grande quantité de celles de la ville l'ont conduitte deux ou trois lieuës, les ruës de Paris estoient couvertes de peuple pour la voir passer.

Mais comme ce despart, estoit en suitte d'vne action tragique toute fraische qui auoit
fort contenté le peuple, il n'a esté tes moigné,
par vnseul de la villeaucun desplaisir, de l'absence de la dite Dame, non pas qu'elle ne suit
regrettee, mais pource que la ioye de l'action
precedente estoussoit la trissesse presente & ce
saict, ce ne surent qu'exagerations contre la
memoire du desunct Marquis d'Ancre & sa
femme, comme seuls autheurs des mal-heurs
dela Frace, & voilale menu de ce qui s'est passé,



